

<?xml version="1.0" ?>			
<?xml-stylesheet type="text/css" href="home.css"?>			
<Doc id="bod-w-media-	BD00001	"	lang="Bodo">
<Header type="text">			
<encodingDesc>			
<projectDesc>	CIIL-Bodo Corpora, Monolingual Written Text		</projectDesc>
<samplingDesc>	Simple written text only has been transcribed. Diagrams, pictures, tables and verses have been omitted. Samples taken from page 2-3, 8-9, 14-15, 20-21, 26- 27, 30-31, 34-35, 40-41, 44-45, 52-53		</samplingDesc>
</encodingDesc>			
<sourceDesc>			
<biblStruct>			
<source>			
	<category>	Aesthetics	</category>
	<subcategory>	Literature-Folk Tales	</subcategory>
	<text>	Book	</text>
	<title>	sErajA siphuM	</title>
	<vol>		</vol>
	<issue>		</issue>
</source>			
<textDes>			
	<type>		</type>
	<headline>		</headline>
	<author>	rahini kumAra brahma	</author>
	<words>	2050	</words>
</textDes>			
<imprint>			
	<pubPlace>	India-Kokrajhar	</pubPlace>
	<publisher>	baDa' pAblikEsana barDa	</publisher>
	<pubDate>	1994	</pubDate>
</imprint>			
<idno type="CIIL code">			</idno>
<index>			BD00001 </index>
</biblStruct>			
</sourceDesc>			
<profileDesc>			
<creation>			
	<date>	13-Jan-2006	</date>
	<inputter>	Tumpa Dattagupta	</inputter>

	<proof>	Bridul Basumatary	</proof>
</creation>			
<langUsage>		Bodo	</langUsage>
<wsdUsage>			
<writingSystem id="ISO/IEC 10646">Universal Multiple-Octet Coded Character Set (UCS). </writingSystem>			
</wsdUsage>			
<textClass>			
<channel mode="w">		print	</channel>
<domain type="public">			</domain>
</textClass>			
</profileDesc>			
</Header>			
<text><body>			
<p>	बिदा धोनसिंआ खर'खौ जाबाइनो आरो फंबाय मोनसिंआ आथिं आरो गांखंखौ जागार बायनो।		</p>
<p>	6. बिसोर नआव फैफिन्नाय समाव बिमा बुरैया हाखराव दै लाइनो थांदोंमोन्नो। उनावसो बिसोर बिदा फंबाय सानै गथफ्रा जाखांनोसै समावसो बिमाबुरैया दैहुआव दै लानानै बिसोरखौ जाबाय थानाय समावसो दा नुसन फैबायनो।		</p>
<p>	7. आरो बिमा बुरैया बुंबायनो “हा-फिसा हौवा फोर! नोंसोरनि गोदनायाबो जसिगोन आरो आंनि गोदनायाबो जसिगोन। आंहा जि जानांगौ जासिगोन, फिसाफोर नोंसोरो बिदाफंबाय सानैबो बे समाव माबार बे ननिफ्राय खारलांदो।”		</p>
<p>	8. होनबासो गथ सानै बिदा फंबाइया बिमानि बे बादि बाथ्राखौ खोनानानै ननिफ्राय खारन लांबायनो। बेनि दसेनि उनावनो खरिया बोराइयाबो हालेवखां दोमखां दुगैयै दैलोबै न'आव सफैबायनो आरो गाव जाफैनो दोनलांनाइ दावज्लानि खर'-आथिंगांखंखौ बुरैनाव जानो बिफैबायनो। उनाव जेरैबो राहा गैथारैलाय बुरैया बुंबायनो “गावसोरनि गथ सानैया गाव दै लाइनो थांनाइ समावनो गासिखौबो जानानैखार लांबाय” होन्नानै।		</p>
<p>	9. खरीया बोराय दिरीयाया माखालामगोन मा मागोन रागा दिउ		</p>

	दिउ जॉब्लाव खांनानै गावनि बै गथ सानैखौ दान्थारनो थाखायनो सिखाफाथाडा (बलिहोग्रा सिखागोलाव) गोबौ गंसे लानानै जेरावबो बोदला-बोदलि थुदला थुदलि नाइगुदला बाय बायनो।	
<p>	10. ओजॉहाय आरो गथ सानैआबो दानथार जानो गिनानै गावसोरनि गामिनि बाइहा थिंजाइ ऑखार लानानै खारलानो हम्बायनो। बिदा फंबाय सानैबो खारैनो खारैनो थांबाय थानानै बेसेबां गाल्लाबारी एंखोर बारी, जिंखाबारी, थांगा बिरनाबारी, सानावनो खोमसि खोमसि जालायनाइ हाग्रामानि सिं सिं सिनथाइनो सौंसि-सौद्ला, उब्रे उब्रा थाडै थाडैनो दाबसे दावखा सिला गाबनाय गैलाइयै मानसिनि फंसेराव खोनालाइयै सिंस्र जाइगायाव सौहैलायबायनो।	</p>
<p>	31. बोरफनानै माउदआ गथ मोनसिंखौ हमनानै थुज्जेद थुख्राद सज्जेदसरख्रां राजानि सिगाडाव गथाय हैनानै बुंहैबायनो “बे गथआ नोंथां माहराजानि मैदेराव गाखोनो सुन्डाइयाव हमनानै बोदलाबाइदोंमोन नोंथानि मानखौ दान्नो नाइगेर दोंमोन। दा नोंथांआ मा खालामनो लुबैयो बिखौनो खालामदो।	</p>
<p>	32. राजा मोनसिंआ माउदनिफ्राय बे बादि बाथ्राखौ खोनानानै जोबोर रागा जॉसो गारबायनो। राजा जानानै गावनि फंबायखौनो सिनायनो हाया जाथारबायनो। आफार बिन्दुआव जनानै आम्लादख्ला, गोरा गाहायनि गेजेराव बिचार खुंनानै बुंनो हम्बायनो-	</p>
<p>	“बे बादि नंबांजाबां सैमाथां सियालथां गथथारानो आंनि खोमा गन्थं हानो नाइगेरदोंमोन बे गथनि दायनि खिथेरा जाबाय,- बिखौ आडनि खिबारी, एमफौबारीनि हाब्रु बुरगाव बुरसि जालायनाय गेसाव गोफोन मोनामफुंनाय खेसबारीनि मोसौ गलिनि मोसा गाल्खाबाव जोबनानै मोसौ फोरजॉ लोगो खालामनानै दोनहैफा आरो अखानाइब्ला मोसौ बाथोनखौ गुमहो आरो हर जाब्ला ग्रोब	</p>

	बे ख'रावनो जोबनानै दोनफिन, गावनि गाजि आखलनि साजा मोन्थों बियो।	
<p>	34. बिदा धोनसिंआ मैया दाखालिनिफ्राय राजा जानानै गावनि गोर्बोनि फंबाय असे मोनसिंखौ थार्लागुबै बावथार बायनो, सिनाइनोनो हाथारा जाबायनो। गावहा आग्ला सासे गोर्बोनि फंबाय दंमोन आरो फिफा खरीया बोराय दिरियाया दान्थारनो नागेरबा हाग्राबंग्रा सौसि सौद्ला खारद्ला बाइनाइयाव ख्र ख्र मेंनानै ओंखाम उखैहाब नाइ आरो दै गांहाब नाइयाव थैनो नाइगेरबा बे फंबायखौ फोथांनो थाखाय गावनो खर' फेरथाम गोनां दावब' थानाय बिलो बुदांआव दै लाइनो फैनाइयाव बे बिलोनि मैदेरया गावनि बिखुंआव लानानै हाफाव राजानि नोगोराव लाबोनाइयावसो दा गावहा राजा जादों बे बाथाखौ थार्ला गुबै बावहाब थारबायनो, गोसो आवनो फैथार लिया।	</p>
<p>	गन्द्राइया दान्नाय आरो ह'नाइयावनो गावनो बे बादि सेरजानि म'हर जाखांबोनायखौनुनानै मा एसे मोजां नाइबानो सोमो नांथावथाव बेसाद जाबोखो दालाय होन्नानै गावनो सान्बाय थाबायनो आरो गावनो गोसो आव गोजोन हाब्बायनो।	</p>
<p>	48. ओइदिनखालि बेलासीआव मोसौ गुमखांनानै न'थिडै होबो फिन्नाय समाव गावनि बे सेरजाखौबो लोगोआव लाबोफाबायनो।	</p>
<p>	बिनि हरावनो उन्दुलांनाइ समाव आरो सिमां नुबाव बायनो। सिमांआव सेरजाया बुंभावबायनो 'आदा ! हादिदग्लानि थथ्लाजों आंनि खालि उदैखौ थुम, बिजौ बंफांनिखुन्थि बानायनानै, उरांखी गरायनि संफालखौ हुग्राआखाय अद्ला गननि गराय बानाय' होन्नानै खिन्था बावबायनो।	</p>
<p>	49. उनाव ग्राब सिरि मोनखांनानै बे सिमांनि बाथाखौ गोसो खाडै खाडै जिंगा सिहाबाय थाबायनो आरो हरथामनि खन्थाम मानि बे मुंसे सिमाडाखौनो नुबाय थाबावबायनो।	</p>

<p>	अखानाइयै मोसौ होलांनाइ समाव बियो गावनि सिखा रुआखौ आरो फोथाराव लांफाबावबायनो।	</p>
<p>	गाव मोसौ गुमग्रा फोथाराव सहैनानै मोसौफोरखौ आग्लानिबाइदि हगारसारदलाजोबनानै अदलाबिफांखौ आरो बिजौबिफांखौ नागेरै नागेरै मोन्नानै दान्नानै सिमाडाव जेरैबादि बानायनोथोनदोंमोन बे बाइदिनो दान्नानै बानायबावबायनो।	</p>
<p>	50. गावहाजासे नाजानानै मावबाय थानाइयावनो उनाव मोजांनिफ्राय मोजांसिन जाखांबोनो हम्बायनो। सेरजानि जाखांनोगोनांगासिबो म'हरा जाखां जोब्बायनो, बिनि उनाव आरो ओइदिनखालि मोशौ होबोफिन्नानै, हराव उन्दुलांनाइयाव उरांखी गरायनि संपालखौ ब'बाव आरो माब्रै मोन्नो हागोन, बे फोरनि मावनोगोनां गसिबोफावखौ सिमांआव नुबाबबायनो। सिजौ बिफांयानो आरो बुंबावबायनो :-	</p>
<p>	51. “ बै मोसौ गुमग्रा फोथारखाथिनि माया बिलो बुद्राडावनो अखांसा हाददनि स्वोर्गीस्री सिखलाफ्रा (Nymphs) थिर सानजुफु जानाइ समाव उरांखी गराइयाव गाखो गाखो बिरगदावलाइ बिरखलायलाइ खालामै खालामै अखां सानिफ्राय बिरबोनानै दुगैनो फैगोन आरो गाव गावनि गरायखौ जिरायहोनो, गांसो आरो दै लोंहोनो थाखाय बिलोनि सेरसेराव हगार सारदलानानै बइबो दुगैदलानानै रंजासावदला जोबगोन आरो गरायफ्रा बिलोनि सेर सेर गांसो जायै जायै दै लोंसावदला जोबगोन।	</p>
<p>	60. बिनिफ्राय बे सेरजायानो बे मावरीया स्रोन्नि नानानथा आफोदजाल्ला दिंखार गोनां बाथ्राफोरखौ हालो दैलो, रिसन लाइनाइ खोनाबानो गोसो बिखलो खोलिजायाव नांहाबलायनाय, मोदै रथ' रथ' गहो गुलायनानै खिन्थाग्रा जानानै थालां दौनो जेब्लायबो जोबनोरोडा जानानै बे मुलुगाव।	</p>
<p>	बिनिफ्राय गोदोनि एम्बुसोन, मायदांसी अलसीया स्रोन् नारामुथि	</p>

	जोहोलाव गोमब्रिमुथिसिख्ला, सीलबीर, ल'हाबीर, सावदां बैरागी, फेस्ला खुंगुर आरो मेलामेला गिदिर गिदिर खामोन उल्था उल्था बीर जोहोलावनि सल' फोरखौं सेरजाजों रोजाबै रोजाबै खिन्थाग्रा जानानै दाहालागैनो थालांदौनो।	
<p>	61. बिनि बाइहाबो 7 दिन 7 राति मानि खिन्थासे खिन्थानानैबो रोजाबनानैबो सल'आ जोबनो रोडै आरो माय दै जिरातनि आंखालनि दिनाव अखा हाहोगुलायग्रा सेरजानि सल' सास्थोर जानानै थालां दौनो बे मुलुगाव।	</p>
<p>	बियो बारागोबाव दिननि बाथ्रा नडा आग्ला मुस्त्री गेवलां रुपनाथ मोन्थिरमोन उन्दै समावनो खनसेजादोंमोन्नो। सासे दंफां दानग्रा बादारिनि फ्राय बे बाथ्राखौं मोन्थिना खोनानो मोन्दोंमोनहो नानै बुडो। गुबाहाटी स'लापारानि फिसाइ ज'रोडै इन्दुमती मास्टारनीया मोन्थिरनिफ्राय खोनादों होन्नानै बुडो।	</p>
<p>	बादारिफ्रा फर्ब ज'रायाव दंफांदान्दों मोन्नो बोरसि ज'रानि सालबारी गेजेराव। बे हाग्रा गेजेरजों मोनसे दैसा बोहैनानै दड'मोनो। बे दैसानि सिडावनो बादारीफ्रा बादा लुनानै थादों मोन्नो।	</p>
<p>	62. बादरिफ्रा सासे गथखौं गावसानि ओंखाम संग्रा खालामनानै लाबोनानै दोनफैदोंमोन्नो। बिनो सामफ्रोमबो ओंखामसंग्रा मोनो। बिदिनो सामफ्रोमबो बादरिफ्रा फुडावनो हाग्रायाव दंफां दानहैनानै सान देदेनबा बादायाव ओंखाम जानो फैग्रा मोन्नो आरो बै गथ'आ जुथे फुथे ओंखाम ओंखि संनानै दोनग्रामोन्नो।	</p>
<p>	74. आरो रामा बै बर' बोराय सागर थेबायथानायखौं गावनि फंबाय लोक्षोननो खिन्थानानै बुंनो हम्बायनो, 'नाइहरनाइसाय ब'बे मुलुगनि सोर जाम्बाजलाबोराय बियो एसे गिदिर गिलु बालु नाइख'हायै जांख'हायै भुमनि सागराखोनो थेबायबायनो नागेरबाइदों।"	</p>

<p>	<p>राम लोक्षोन बिदा फंबाय सानैबो बे बाइदिनो रायलायबाय थानानै सोंखारीनानै मिनिलायबायथानो हम्बायनो। बे समावनो बर' बोराय बुरा बाथौ महाराजाया ख'दालथाम हा जावखानानै आलिखोनानै सागराखौनो स्राय थेखांगारबायनो। थेखांदोमखां जुथेनो सागरनि नफा-बिफांफा हाजोफा गाहाम गोजौ गिदिर गोलाव गुआर, मोसौ फाफिल बाइदि दै दोहौ जालायनाय सागराखौनो सारनो हमगारबायनो।</p>	</p>
<p>	<p>75. रामा गावनि गोसोजों गोसो बुरा बाथौनि बे बाइदि गिरुबारु खामाय मावनायखौ नुहुरनानै सोमो नांहाबनानै सानै सानै लोक्षोननि सिगाडाव बुंखांगारबायनो “फंबाय लोक्षोन मा नुफेरै खोनाफेरै सोमोनांथाव थाव गिलुबालु बाथ्रा बेलाय, जॉनोथ' बे मुलुगनि भगबान, जॉनि खुरै गिदिर गोलाव सैथोसिन भगबान आनान ग'साय औबंलावरीआनो माथो दंबावथारोमार बे पृथिमिनीआव (मुलुगाव)। एसे गिदिर गिलु बालु सागराखौनो ख'दाल थामहा जावखानानै आलिखोनानै थेखांगारमारबाय मा एसे नुफेरै खोनाफेरै बाथ्रमार बेलाय।</p>	</p>
<p>	<p>राम-लोक्षोन बिदा फंबाय सानैजों बे बादि रायज्जलायबाय थानाय समावनो दसेनि उनावनो दैया गासिबो जिं रानजोब गारबायनो।</p>	</p>
<p>	<p>76. सिसु, गोलेर, थालेर, गिलुबालु नफा बिफांफा गाहाम गुयार ना-रग'जाफबलायनाय तिमिफ्रानो सेनस्रायद्ला बायबाय आरो बेलेनद्लाबायवायनो। खाइफालाइ आथिं गोनां खासेव खुसुं गोलेर थालेर खांस्त्रायफ्रा बोरायजों हमजानो गिनानै बोरिमानि मानज्जालायनो हम्बायनो। बोरायनि बे बाइदि नुफेरै खोनाफेरै आफोद-खैफोद हाबाखौ नुहुरनानै राम लोक्षोन बिदा फंबाय सानैबो नाहरै नाहरै गोमोगुलायनानै थाबायनो।</p>	</p>
<p>	<p>आरो बुंभावबायनो “फंबाय लोक्षोन ! आं नौनो मोनसेबोर होबावदिनि, सैथो थेथ्रा दाफोर बे जुग मोन्थामाव आंनि गोरा</p>	</p>

	<p>गोहोजों बे मुलुगाव रावबो हानाय नडा खोलि खोल्कि सफैब्ला नॉनि फोलेरफ्रा गोबां आरो गोख्रों गोहो गोरा जाखांगोन आरो बै जुगाव नॉनि बे फोलेरफोरजों रावबो हानाइ नडा। बे गुलुगनि गुबुन मालाय माहारीफ्रा बइबो हेव जानानै थानांगोन।</p>	
<p>	<p>84. रामा बे बादि बाथ्रा बुंनानै होनानै गाव लोक्षोननिफ्राय ऑंखार लांनानै बै बर' बोराय बुरा बाथौ माहाराजानि खेरायथिलिजा लामालानानै थांबाय थानाय समाव लामालामानो बिसोर मोसाबा गावबो मोसाहां, आखायफुआरबा गावबो फुआरहां, बिसोर मिनिबा गावबो मिनिहां, रंजाबा रंजाहां जानानै, थाडै थाडैनो बुरा बाथौनि सिगाडाव नुजाहैबायनो।</p>	</p>
<p>	<p>85. सोरबोराय जाखो बियो ब'बाव थायो, बिनि नामा मा बिखौ मिथिनो थाखायनो रामा गावनो नुजा हैनानै मिथिनो सान्बायनो आरो बुरा बाथौनि सिगाडाव सहैबा गावनि आखाय थायनैखौबो सें खबजबनानै माहादेब (बुरा बाथौ) नि आथिडाव गुगुब खुलुमनानै बुंबायनो “आफा आं राम अबतारनि राम राजा जानानैबो नोंथांनिमायाखौ सानस'नो आरो मिथिनो हायाखिसै, नोंथाडा ब'बेनि सोर जाखो आंनो खिन्थाब्ला जोबोर हामजाथारगौमोन आं।”</p>	</p>
<p>	<p>राम लोक्षोननो बै बोर होनायनिफ्रायनो सोनाब हादोरनि माहारीफ्रा दानि खोलि खोल्कि जुगाव दस्रा (गुबुन) माहारी फोर्निख्रइ गोख्रों गोरा जाबोदों होन्नानै गोरोंफ्रा बुडो।</p>	</p>
<p>	<p>86. राइजोनि आइ आफ्रा गाव गावनि गोसोआव बइबो सान्नानै नाइदो एसेगिदिर राम राजायानो नांनाय समाव मालायनि आथिंआव गुगुब खुलुमनाय बाथ्राया मा बाइदि ! बेसेबां गियान गोनां आखल गोनां मानसिनि आखल बियो। दानि सोरबा राजाया- बे बाइदि खालाम गोन ने ?</p>	</p>
<p>	<p>बे दिन्निफ्रायनो बर'फ्रा बुरा बाथौखौ सिबिग्रा मानिग्रा जाबोदोंनो</p>	</p>

	आरो बिखौनो बइनिखुइबो देरसिन मोदाय होन्नानै फालिबोदोनो आरो सिफुडाबो बेदिन्निफ्रायनो दिनैसिमलागै बर' फोरनि गोसो गोब्बोनि हांमा हांसानि, दुखु दाहानि आरो मिनिरंजानि मेथाय खन्थायनि रावजों खनबो दौनो।	
<p>	96. सिफुडा दाबोनो मेथाय खनगासिनो दड' आरो बे बादिनो खनबाय थागोन। जेब्ला बे सिफुडा मेथाय खना जागोन होम्बानो बर'हारीया गावनि नेशौनखौ फोजोबनानै खोमानानै लागोन आरो गावबो औरैनो लाइलद गोमालांगोन।	</p>
<p>	सेरजा-सिफुंखौ ब'बे खामाइयाव नाडा होन्नानै बुडो ?- बैसागु, हाबा, खेराय-माराय, मेथाय खन्थाय, जेखि जाया रंजानाइयाव, दिखाराव आरो फारफ्रोमबो खामाइयावनो बिखौ गोनां जानानै फैंयो।	</p>
<p>	बर'फ्रा बइबो बे सेरजा सिफुंखौ फोथांनानै लाखिनांगौ। मानोना सेरजा सिफुडा गोथाडै दड'मानि बर'फ्राबो थांनानै थागोन। आरो सिफुडा माखिलबा थैनानै गोमालांब्लानो, बर' हारिनि धोरुम, सोदोमस्री खान्थि, राइजो जानाय गासिबो स्रें स्रें फारि फारि गोमोर लांजोबगोन।	</p>
<p>	97. “सेरजा सिफुं” आनो बर' फोरनि बिखा बिख्लो खोलिजानि खावसे। बे मुलुगाव बर' फोर उजिफैनाइनि लोगो लोगोनो “सेरजा-सिफुं” आबो उजिफैदौंमोन्नो। बर'फ्रा जोब्लांब्लासो “सेरजा सिफुं” “बिडि गंगना” “खाम-ज'था” गासिबो फारि फारि गोमोर लांजोबगोन बियो।	</p>
<p>	आखाइनो बर'फोरनि राइजो जानाइनि लोगोआव मोदोम दसेनि बोखा थावयै जीउ सोलेर नेवसि थावयै बेसाद बियो।	</p>
<p>	हाग्रामानि दैमु जरना सेरनानै ज्राव ज्राव, ज्रुम-ज्रुम गाहाइयाव गोम्लैनाइनि राव बाइदियै सिंनिफ्राय गुदुंजों सेरबोनानै सायाव “जा-जा” ओंखार फैग्रा होन्नानैनो सेर-जा “सेरजा” होन्नानै बुडो।	</p>

<p>	<p>दानि जाखांबोनाइ सेंगा सिखलाफ्रा एफा एनै (बाय बांला) लेखा फाथर रॉनायफ्रा आग्लानिफ्रायनो लाबोनाइ गाज्जि आखल गियानफोरखौ नागारस्रानाइनि फारि लाजेन्नो हमबाय। बिसरो साहा नडाबा दस्रा गाहाम बेसाद जानाइ लॉनाइनि बाइहा जुमाय लॉनायफोरखौ गारनो हमजेनाय। मोनसे गोदोलांनाय माहारीया सिखां फिनजेन्नाइनि नेसीन बियो।</p>	</p>
<p>	<p>110. लेखा फाथर रॉबोनानै गाव गावनि न' बां आरो जानाइ लॉनाइ गान्नाय जोमनाइयाव जॉब्लाव माब्लाव आरो आखल गियानाव साबनाहामना जाबोनाइ खाइ मालाय माहारीनि मानसिफ्रा दासो बर'फोरखौ “बर कसारी” होन्नाइ जोलैसे मानसि दड' होन्नानै बंजेन्नो हम्बाय। आरो बर'फ्रा गावनि आग्लानि सोद्रोमाखौ दिल्ली मानि दिन्थि हैनाइयाव गुबुन गोजान मुलुग संसारनि मानसिफ्राबो बर'फोरखौ मिथिजेन्नो सिनायजेन्नो हम्बाय।</p>	</p>
<p>	<p>111. आरो बिनि उनाव मा-मोजां जाबावदों होन्नानै बुडोब्ला दासो बर'फ्रा लेखा फाथर रॉबोनानै साफासिखन थानो रॉनाय आरो एफा एनै बुजिना सुजिना जाबोनाइखौ नुनानै आरो दस्रा गुबुन गोजौ माहारीफोरबादि राइजो जानो रॉनाइखौ नुनानै मालाय माहारीनि मानसिफ्रा आग्लानि बाइदि मुगै बाइनाइखौ गानो हम्बाय आरो जादेर लॉदेर खालामजेन्नो हम्बाय उनाव हालागै आरो साबद्रायनिफ्राय साबद्रायसिन जाबोगोन बेखौ औरैनो गाव गावनि गोसोफ्राव सान्नानै नाइयोब्ला मिथिहायो।</p>	</p>
<p>	<p>112. दानि दिनाव बइबो मालाय गोरों गोरा माहारीफ्रा ज' ज' जथुमलाइनानै बेसेबां मानसिमाव फेरहायै खामानि फोरखौबो लेखाफाथनिं बालो गोहोजॉनो मावनो हाजोबाय, बेफोखौ बंसनो हालिया। नाथाय बर' फोरहालनो बेफोरबाइदि ज' जानानै बाथा फंसेयै खामाय मावनो रोडाखिसै। गावजों गाव ज' जयै (एकता)</p>	</p>

	बाथ्राफंसेयै खामाय दोंसेयै थानोखौ दाबोनो मिथिनो हायाखिसै।	
<p>	दौदुंखौ बे बादि खानानै दैमायाव गरलाडोब्ला मोजां बाथ्रा जानाय नडा, सोरबा सुथुर राजाफ्रा सिफाय सान्त्री लानानै बिजोंदैमा बारनानै गावनि नोगोराव थांनानै गावजों दावहा नाडैनो हागोन, औरै सान्नानै दौदुंखौ थबस्र दान्स होबायनो।	</p>
<p>	120. दौदुंआ थबस्र जानाइखाइ हजों आमिनगाव एबा बिनि खाथिनिफ्राय दौदुंआव हमै हमै दैनि सा सा मानबाय बोनाय सिफाय सान्त्रीफ्रा गासिबो दैमानि दाहारजों बुखारजाजोब्बायनो। मानबाय बोनायफ्रा खाइफा दैमा गेजेरहा लागै सहैहां जाबायमोन्नो, खाइफा उनाव दडमोन्नो। दौदुंआ जनाइलाइ दैमानि दैफाखन, दाहारजों बुखारलां जानानै दोबैनो हमबायनो खाइफा सान्त्री गोरोंफ्रा दैमा बारनानै दैमानि खोलाहा बक' पलाशबारी, ग'वालपाराफ्राव सान्त्री बायथानाइयाव दै दाहारजों बुखार लांजानानै सहैबाइनो आरो बांसिनानो बादनो गिनानै दैमानि सा रुगुंथिडै सान्त्री फिन्नो हमबायनो बिसोरो आज्जाथुरि, श'वालकुचि, जंगीघ'पा, बिलासीपारा, बगरीबारी, धुबरीफ्राव सहैबाइनो। आरो बै जायगाफ्रावनो हेन्जावफोर हाबा खालामनानै जुगामे रजुरोमोन राइजो जानानै थाबायनो।	</p>
<p>	121. दानि दिनाव नामा जायगानि बर' आरो बिसोरनि फोलेर (क'च, गार', राभा, लालुं आरो दसाफोर) थायथाय कामरुप, ग'वालपारा, रंपुर, जलपाइगुरिफ्राव थानाइ बर'फ्रानो बै बुलुं बुथुराव गोजाव द्लाब इनाइ सा खोलानि मेसकचारी होन्नाय बर'फोर आरो राजाजों लोगोसेयै बुलुं बुथुर दैमा-बारलांनानै डिमापुराव थांफानाइ बर'फ्रानो दानि ह'जाइ कचारी, डिमाचा कचारि स'न'वाल थैडालकचारी आरो बिसोरनि फोलेर मिकिर, नागा, कुकि, मिरि होन्नाइफ्रा।	</p>
<p>	बिनिफ्रायनो मिथिनो हायो बर' कछारीफ्रा आग्लानि दिनाव माबोरै	</p>

	थायथाय जाद्लाबाइदोमोन।	
<p>	133. बिनि गावखौ गिदिर सान्नाइआव रावबो हामजाया, एबा बियो रावखौबो जाल्लायाब खोखलैफेरा। नाथाय धोनिनि आंसोआं सान्नाइआ गाज्जिद्राय। गावखौ आंसोआं सान्नानै धोनिया हाबाखौ मावबानो थाबजाल्लायाव गोग्लैनो गोल्लैजायो आरो गोग्लैयोबो।	</p>
<p>	बिनि दोहोनसोर्बो थानाय मानिखौ हर्सेनि गेजेराबनो सिखाव दाखातिफैनानै लांजोब्बा बियो हालाय हाफाय जायो आरो बियो जानो लोनो गैजारोडै जानानै फैयो। होम्बानिया बिखौ रावबो धोनि होन्नानै मानिया जायो।	</p>
<p>	134. आखाइनो बुडो “धोनिनि फुथानिया सान्सेनि बोल आरो लेखागोरौनि फुथानिया आरायदिन” होन्नानै।	</p>
<p>	मानसिफ्रा बुडो- “ लेखा रोडै मानसिया आर्थिथौब्रैजौं समान आरो मेगनजौं बेरनायजौं समान।” होन्नानै बि बाथ्रायाबो नंखाय नंमारथारा। मानोना लेखाफाथर रोडाबा मोजां गाज्जिखौ मिथिसनो हाजोबा। मुलुगनि मोजां गाज्जिनि आरो ब'बे ख'नायाव मा जादौं बेफोरनि हरनि सननि खौरां बिलाय सफै गासिनो दडबाबो बियो खोनानो मोना आरो फरायनानै मिथिनो हाया। माहारीया माखालामबा जाखांनो हागोन आरो मा खालाम्बा गाहायाव गोग्लैसन लांगोन बेफोर मोजां गाज्जिनि थोन्नायफोरौनाइ बाथ्रा फोरखौ लेखाफ्राव फरायनानै मिथिसनो रोडा।	</p>
<p>	135. आग्लानि गिदिर गिदिर ऋषि मुनि सादु बाबाजीफ्रा शास्थोरफ्राव मा मा गियाननि मिन्थिनो गोनां गाहाम गाहाम बाथ्रा खोन्था बिजाबफ्राव लिदनानै गालांदौमो बेफोरखौ फरायनो रोडैखाइ बिसोरनि गियान आखल थोन्नाय फोरौनाइ फोरखौ मोन्नो हाया।	</p>
<p>	मालाय गोरौं गोरफ्रा बायदिसिना गियान आखल गोनां बेदबेदान्त दर्शन उपनिषद आरो खौरां फरायनानै गियान गोनां जालाडो।	</p>

नाथाय बिहा फरायनो रोडैखाइ बेबादि जानोहाया। लेखाफ्राव रोखा रोखा लिदनाय दडबाबो बिहानुनो मोन्नायनि खाफालगोनां जानानै फैया आखाइनो बिखौ मेगनथानानैबो खाना होन्नानै बुडो।	
---	--

</body></text>

</Doc>